

Broj: 03-02-850/2022
Sarajevo, 31.07.2023. godine

BOSNA I HERCEGOVINA
Federacija Bosne i Hercegovine
PARLAMENT FEDERACIJE
SARAJEVO

Priljeno: 31-07-2023	
Org. jed.	Broj
02 -	02 - 1429/22

B
K40

**PARLAMENT FEDERACIJE
BOSNE I HERCEGOVINE**

- Dom naroda -
gosp. Tomislav Martinović, predsjedavajući

VRLO HITNO

PREDMET: Veza Vaš akt broj: 02-02-1429/22 od 25.07.2023. godine

Poštovani,

U skladu sa članom IV. B. 7. c) (III) Ustava Federacije Bosne i Hercegovine, a u vezi sa odredbama člana 183. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), u prilogu Vam **dostavljam Izjašnjenje o Amandmanu na Prijedlog zakona o korištenju obnovljivih izvora energije i efikasne kogeneracije, koji je podnijela Fatima Gavrankapetanović Smailbegović, delegatkinja u Domu naroda Parlamenta Federacije Bosne i Hercegovine, a koje je utvrdila Vlada Federacije Bosne i Hercegovine na 5. hitnoj sjednici, održanoj 31.07.2023. godine.**

Izjašnjenje se dostavlja na službenim jezicima i pismima Federacije Bosne i Hercegovine.

S poštovanjem,

PREMIJER
Nermin Nikšić



Prilog: kao u tekstu na bosanskom jeziku

Co: Federalno ministarstvo energije, rudarstva i industrije
gosp. Vedran Lakić, ministar

Na osnovu člana 73. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH”, br. 6/10, 37/10, 62/10 i 39/20), a u vezi sa odredbama člana 183. Poslovnika o radu Doma naroda Parlamenta Federacije Bosne i Hercegovine (“Službene novine Federacije BiH”, br. 27/03, 21/09 i 24/20), nakon razmatranja Amandmana na Prijedlog Zakona o korištenju obnovljivih izvora energije i efikasne kogeneracije, koji je podnijela Fatima Gavrankapetanović Smailbegović, delegatkinja u Domu naroda Parlamenta Federacije BiH, Vlada Federacije Bosne i Hercegovine je, na 5. hitnoj sjednici, održanoj 31.07.2023. godine, utvrdila sljedeće:

IZJAŠNENJE

o Amandmanu na Prijedlog Zakona o korištenju obnovljivih izvora energije i efikasne kogeneracije, koji je podnijela Fatima Gavrankapetanović Smailbegović, delegatkinja u Domu naroda Parlamenta Federacije BiH

PREDLOŽENI AMANDMAN FATIME GAVRANKAPETANOVIĆ SMAILBEGOVIĆ, delegatkinja u Domu naroda Parlamenta Federacije BiH:

AMANDMAN I

U članu 52. u stavu (1) riječi „iznos u visini od najmanje 10%” mijenjaju se riječima “iznos u visini do najviše 5%”.

Obrazloženje

„Članom 52. je određeno **dodatno povećanje naknade od najmanje 10%** što direktno dovodi do povećanja cijene, odnosno troškova električne energije za sve kupce električne energije bez izuzetka. Naknadu za promociju obnovljivih izvora energije plaćaju svi kupci električne energije u FBiH bez izuzetka, uključujući i domaćinstva i industriju. Dakle pored toga što industrijski kupci u FBiH plaćaju značajno višu cijenu električne energije u odnosu na kupce električne energije iz kategorije domaćinstva, predloženim se njima uvodi povećanje postojeće naknade za obnovljive izvore električne energije kojom će se sufinansirati projekti prosumera u kategoriji domaćinstva.

Dodatno, **svi kupci električne energije iz kategorije domaćinstva će plaćati ovu naknadu a koristiće je samo jedan dio „odabranih domaćinstva”** (po kriterijima Operatora Za OIEiEK). Poznavajući strukturu kupaca, kupci iz socijalno ugroženih kategorija su kupci koji imaju najmanje šanse da postanu prosumeri (vlasništvo nad objektom, relativno mala potrošnja električne energije, potreba vlastitog učešća - svugdje u bližem i širem okruženju je iznos sufinansiranja za prosumere bio 20-50% od iznosa investicije, kompleksna procedura pribavljanja dokumentacije...) tako da će oni u najmanjem broju zastupljeni u prosumerima. Dakle plaćaju svi kupci električne energije, a koristi samo dio kupaca iz kategorije domaćinstva. **Dodatno, zbog klimatskih karakteristika, biti prosumer je u nekim dijelovima FBiH puno isplativije (veća osunčanost), nego u drugim dijelovima, a naknadu plaćaju svi kupci.**

U krajnjem, svi kupci električne energije će plaćati naknadu, a od predviđenog iznosa naknade (10%) korist će imati „**domaćinstva odabrana po kriteriju**” (manje) i **uvoznici, odnosno prodavači, solarnih panela i opreme za instalaciju solarnih elektrana na krovove** (više). Pošto se ta oprema ne proizvodi u BiH, znači da nema novih radnih mjesta, nego će profitirati posrednici u prodaji.

U Nacrtu Zakona (nakon provedenih javnih rasprava) **je bilo definisano 2%** što je kao subvencija za nešto (prosumeri) što još nije uvedeno, za šta u FBiH nema iskustava, i za šta je potrebno donijeti još niz podzakonskih akata, bilo razumljivo. Međutim u Prijedlogu Zakona je taj iznos povećan na najmanje 10% (bez obrazloženja) što znači da će krajnjim kupcima električne energije u FBiH troškovi nabavke električne energije porasti za dodatnih cca 3 mil KM/god.

Shodno navedenom predlažem da se ovaj iznos ograniči u maksimalnom iznosu do najviše 5%.

Amandman I se ne prihvata.

Obrazloženje:

Nakon održanih javnih rasprava u vezi seta energetske zakona, prihvaćen je komentar da se dodatni udio koji će se izdvajati za Program o sufinansiranju prosumera iz kategorije domaćinstva poveća na 10 %. Navedenim se omogućava, pored povećane proizvodnje električne energije iz OIE, i potrošnja električne energije iz OIE. Programom o sufinansiranju prosumera iz kategorije domaćinstva je, između ostalog, uzet u obzir i socijalni aspekt, gdje bi se u potpunosti sufinansirala izgradnja postrojenja za socijalne kategorije.

V. broj: 1024/2023
31.07.2023. godine
Sarajevo

